

Gikuyu - Makihonagia Maandiko - Healing Scriptures

Thaama 15:26 akimeera atiri, "Angikorwo nimurinjathikagira na kijo, na mwikage maundu maria nyonaga maagiriire, na mwathikire mawatho maakwa, ndiri hindii ngaamuhherithia na mirimoo o yothe iria ndareheire andu a Misiri. Amu ni nii MWATHANI uria umuhonagia."

Gucokerithia Maathani 7:15 MWATHANI nakaamugitira kuuma kwii ndwari ciothe, na ndakaamureehithiria mirimoo miuru ta iria mwoi mwii Misiri. No riiri, niagaatuma thii cianyu igatwo ni yo.

Thaburi 107:20 Agiathana, akimahonia, akimahonokia kuuma gikuuinii.

Thaburi 146:8 na utumaga itumuumu icooke kuona ringii. Ni we woyaga na iguru aria mooriitwo ni hinya; niendeete andu aria athingu.

Isaia 35:5 Itumuumu nikaahoota kuona, itaigua nikaiguaga.

Isaia 53:5 No riiri, aatihangirio ni undu wa meehia maitu, na akihuurwo ni undu wa uuuru uria ithui twekiiite. Ihera riiri aaherithio nario, niro riatreeheire thaayu; kuhuurwo kuri aahuurirwo, nuko gwatuhonirie.

Isaia 58:8 "Mweka maundu macio, wega wakwa urimwaragira o ta riua rikiratha, na ironda cianyu irihonagio o na ihenya. Utihing wanyu nigo urimutongoragia naguo riiri wa MWATHANI umugitagire mienya yothe.

Jeremia 30:17 Ni gukorwo ningumucookeria ugima wa mwiri o ringii, na ndimuhonie ironda cianyu, tondu thii cianyu iroiga atiri, 'Zayuni ni miumwo ni iri; ndari mürümbuya.' Ni MWATHANI, ni nii ndoiga uguo."

Jeremia 33:6 No riiri, ninggaahonia ituura riiri hamwe na andu aario na ndimacookerie ugima wa mwiri. Ningamahe thaayu muingi na ugitiiri.

Malaki 4:2 No riiri, inyu munjathikagira nimuriarirwo ni hinya wakwa wa kuhonokania o ta riua, umureehere uhoro wa kuhonania ta mirlri ya riua. Na inyu muumagare muthii mugituhaga ta tuka tuingurirwo kiugu.

Mathayo 4:23,24 Thuutha ucio Jesu agithiurruka Galili guothe akirutanaga thunagogiini, akihunjagia Uhoro Mwega wa Uthamaki wa Ngai, akihonagia andu aria maaruarite mirimoo ya mithemba yothe na ndwari ciothe. 24 Kwoguo ngumo yake ikihunja bururi wothe wa Siria, nao andu makimureehere andu oothe aria maarii aruaru, na aria maanyiititwo ni mirimoo ya mithemba misingi: aria maarii na ruwo, ngoma, aria maaruarite mirimoo ya kuinaina, na gukua ciiga; naake Jesu akimahonia oothe.

Mathayo 8:16,17 Na riiri, hwaaini ucio andu makimureehera andu aingi maarii na ngoma, naake agicingata na kiugo gake na akihonia aria oothe maarii aruaru. 17 Eekire uguo ni geetha uria kwarathitwo ni munabii Isaia kuhinge ati: "Wee mwene nioire wonje witu, na akieheria mirimoo iti."

Mathayo 9:35 Naake Jesū agīthiī agīthiūrūka thīnī wa matūūra moothe o hamwe na icagi, akīrutanaga thīnī wa thunagogi ciakuo na akīhunjagia Ūhoro Mwega wa Ūthamaki wa Ngai, o na akīhonagia arīa maarūariīte mīrimū ya mīthembā yothe o na wonje wothe.

Mathayo 10:1 Naake Jesū agīta arutwo aake ikūmi na eerī hakuhī naake, akīmahe ūhoti wa kūingata ngoma na wa kūhonia mīrimū ya mīthembā yothe o na wonje wothe. (Mariko 3:14,15)

Mathayo 10:8 Ningī mūhonie arīa arūaru, mūriūkie arīa akuū, mütherie arīa marī na mīrimū mīru ya ngoothi, na mūngate ngoma. Müheetwo tūhū, heanaai tūhū.

Mathayo 11:5 atumuumu nīmarona, ithua nīretwara, arīa marūariīte mīrimū mīru ya ngoothi nīmaratherio, arīa mataiguaga nīmaraigua, arīa akuū nīmarariūkio, na athīnī makahunjīrio Ūhoro ūrīa Mwega.

Mathayo 12:15 Naake Jesū aamenya ūguo akiuma kūu, nao andū aingī makīmūrūmīrīra. Naake akīhonia arīa oothe maarī arūaru,

Mathayo 15:30 Nao andū aingī magīthiī kūrī we makīmūtwarīra ithua, itumuumu, cionje, arīa mataaragia, na angī aingī arīa maarī arūaru. Magīkīmaiga magūrūniī maake, naake akīmahonia.

Mathayo 17:20 Naake Jesū akīmacookeria atīrī, "Nī tondū wītīkio wanyu nī mūniini. Ngūmwīra atīrī na ma, mūngīkorwo mwī na wītīkio mūniini o ta mbegū ya mūtī wa karatārī, no mūhote kwīra kīrima gīkī atīrī, 'Uma haaha ūthīi haaria,' na gīthīi, na gūtīrī ūndū ūngīkaamūrema.

Mariko 1:34 Naake Jesū akīhonia andū aingī arīa maarūariīte mīrimū mwanya mwanya o na akīngata ngoma, no ndaciītīkīririe ciarie tondū nīciamūūi.

Mariko 3:10 Nīahoneetie andū aingī, na arūaru oothe nīmaahatīkanaga makienda gūthīi harī we mamūhuutie.

Mariko 6:5,6 Naake Jesū ndahotire kūringa ciama kūu itūūrainī rīao o tiga nīaigīriire o andū matarī aingī mooko arīa maarī arūaru nao makīhona. 6 Naake akīgega nī ūndū wa ūrīa maagīite wītīkio. Thuutha ūcio Jesū agīthīi gūceera kūu matūūrainī, akīrutaga andū ūhoro.

Mariko 6:13 Ningī makīngata ngoma nyingī, na makīhaka andū aingī arīa maarī arūaru maguta, makīmahonia.

Mariko 6:55,56 Magīteng'era matūūrainī, makamūreehere arīa oothe maarī arūaru. O harīa maigua nī ho arī, makamūtwarīra andū mamakuuīte na mīgeka. 56 Kūria guothe Jesū aatoonyaga: icagiinī, matūūrainī, kana mīgūndainī, maigaga arīa arūaru ndūūnyūinī makamūthaitha ameetīkīrie mahuutie o na akorwo no gīcūrī kīa nguo yake. Nao arīa oothe maakīhuutagia makahonio.

Mariko 8:23-25 Naake akīnyiita mūndū ūcio guoko akīmuumagaria nja ya gīcagi. Thuutha wa kūmūtuīra mata maitho, na kūmūigīrīra mooko,

akīmūūria atīrī, "Wī kīndū ūrona?" 24 Naake mündū ūcio agītiira maitho akiuga atīrī, "Nīndīrona andū, no rīrī, ndīrona mahaana ta mītī īgīthīi." 25 Jesū agīcooka akīmūigīrīra mooko maitho rīngī; naake mündū ūcio agīkūūra maitho mūno, akīhota kuona indo ciothe wega.

Mariko 9:29 Naake Jesū akīmeera atīrī, "Ngoma ya mūthembā ta ūcio ndīngīrutīka na njīra īngī tīga o mahooya."

Mariko 16:17,18 Nao arīa mageetīkia nīmakaahēo hinya wa kūringa ciama: nīmakaingata ngoma kuuma kūrī andū thīinī wa rītwa rīakwa; nīmakaaria na thiomi ng'eni; 18 mangīkaanyiita nyamū cia thī kana manyue thumu matīrī ūru makoona, ningī nīmakaigagīrīra arūaru mooko nao makahona."

Luka 4:18 "Roho wa Mwathani arī hamwe na niī, nī ūndū nīathuurīte ndeehe ūhoro ūrīa Mwega kūrī andū arīa athīni, Nīandūmīte thiī ngahunjīrie arīa mooheetwo atī nīmarekererio, na ngahunjie ūhoro wa atumuumu gūcooka kuona, na ngoohorithie arīa mahinyīrīrio.

Luka 4:40 Rīrīa riūa rīathūaga, andū oothe arīa maarī na andū maarūarīte mīrimū mwanya mwanya makīmāreehe kūrī Jesū, naake akīmaigīrīra mooko, akīmahonia.

Luka 5:15 Na rīrī, ngumo ya Jesū no gūthīi yathiaga o na mbere kūhunja kūndū guothe, na andū aingī nīmookaga kūmūthikīrīria na kūhonio mīrimū yao.

Luka 5:17-25 Mūthenya ūmwe Jesū nīkūrutana aarutanaga, naho hau aarutanagīra hagīkorwo harī na Afarisai amwe na arutani a Watho maikārīte thī, moimīte matūūrainī moothe ma Galili na Judea na Jerusalemu. Na rīrī, hinya wa Mwathani wa kūhonania warī hamwe na Jesū. 18 Nao andū amwe magīūka makuuīte na ūrīrī mündū warī mūrūaru mūrimū wa gūkua ciīga, makīgeria kūmūtoonyia nyūmba mamūige mbere ya Jesū. 19 No rīrī, nī ūndū wa ūrīa andū maarī aingī makiaga gwa kūmūtoonyeria. Nī ūndū ūcio, makīmūhaicia nyūmba igūrū, magītharūria maturubaarī hakīgīa mwanya, makīmūikūrūkīria ho na ūrīrī wake, makīmūiga gatagatīnī ka andū o mbere ya Jesū. 20 Na rīrī, rīrīa Jesū oonire ūrīa andū acio meetīkītie, akīira mündū ūcio atīrī, "Mūraata wakwa, nīwoherwo meehia maaku." 21 Nao arutani a Watho na Afarisai makīambīrīria kūūrania atīrī, "Mūndū ūyū nūū ūraruma Ngai? Nūū ūngīhota kuohanīra meehia tīga o Ngai wiki?" 22 Naake Jesū akīmenya ūrīa meeciiragia akīmooria atīrī, "Nī kīi kīratūma mwīciirie maūndū ta macio ngoroinī ciānyu? 23 Nī ūndū ūrīkū mūhūthū; kuuga, 'Nīwoherwo meehia maaku' kana 'Ūkīra wītware?' 24 Nīngūmuonia atī Mūrū wa Mūndū e na ūhoti gūkū thī wa kuohanīra meehia." Agīkīra mündū ūcio warī mūrūaru mūrimū wa gūkua ciīga atīrī, "Ndakwīra atīrī, ūkīra woe ūrīrī waku ūinūke!" 25 Naake mündū ūcio akīrūūgama o rīmwe andū oothe mamwīroreire,

akīoya ūrīrī ūrīa aakomeire akīinūka akīgoocaga Ngai.

Luka 6:17-19 Na rīrī, Jesū agīkūrūka kūma kū kīrīmainī e na atūmwō acio aake akīrūgama handū haaranu e na arutwo aake gīkundi kīnene mūno. Nao andū aingī kūma būrūriinī wothe wa Judea, Jerusalemu, na matūra ma Turo na Sidoni marīa maarī rūteereinī rwa iria, 18 nīmookīte kūmūthikīrīria na kūhonio mīrimū yao. O na arīa maathīnagio nī ngoma nīmookire, naake akīmahonia. 19 Na rīrī, andū oothe arīa maarī arūaru nīmaageragia kūmūhuutia nī ūndū hinya nīwoimaga harī we ūkamahonia oothe.

Luka 7:21,22 Hīndī īyo Jesū akīhonia andū aingī mīrimū na ndwarī ciao, akīingata ngoma kūma thīinī wa andū na agītūma atumuumu aingī moone. 22 Agīcooka akīira arutwo acio maatūmīitwo nī Johana atīrī, “Thīi mwīre Johana ūrīa mweiguīra na mweyonera: atumuumu nīmarona, ithua nīretwara, arīa me na mīrimū mīru ya ngoothi nīmarahona, itaigua nīraigua, arīa akuū nīmarariūkio, na arīa athīini nīmarahunjīrio Ūhoro Ūrīa Mwega.

Luka 8:2 O na ningī nīhaarī atumia amwe arīa maarutīitwo ngoma na arīa maahoneetio. Atumia arīa maarī ho nī: Mariamu, (ūrīa wetagwo Mūmagidali), ūrīa warutīitwo ngoma mūgwanja,

Luka 9:2 Naake agīkīmatūma mathīi makahunjie ūhoro wa Ūthamaki wa Ngai, makīhonagia andū arīa arūaru.

Luka 9:11 Rīrīa andū maamenyire, makīmūrūmīrīra, naake akīmaamūkīra na akīmaruta ūhoro wa Ūthamaki wa Ngai, na akīhonia arīa maabatairio nīkūhonio.

Luka 13:12 Rīrīa Jesū aamuonire akīmwīta akīmwīra atīrī, “Wee mūtumia ūyū, nīwehererio wonje waku!”

Luka 13:32 Naake Jesū akīmeera atīrī, “Thīi mükeere mbwe īyo atīrīrī, ‘Ūmūūthī na rūuciū ngūkorwo ngīngata ngoma kūma kūrī andū ngīmahonagia mīrimū yao, naguo mūthenya wa gatatū ndīkie wīra wakwa.’

Johana 5:8,14 Naake Jesū akīmwīra atīrī, “Ūkīra woe mūgeka waku wītware.” 14 Thuutha ūcio Jesū agīkora mūndū ūcio wahoneetio Hekaarū thīinī akīmwīra atīrī, “Nīukuona rīu wī mūhonu! Ndūkaanagīcooke kwīhia nīguo ndūkaae kuona ūndū ūngī mūru makīria.”

Johana 14:12 Ngūmwīra na ma atī ūrīa wothe ūnjītīkītie nīageeka ciīko ta irīa njīkaga, o na nīageeka ciīko nene makīria ma ūguo, amu niī ndīrathiī kūrī Awa.

Atūmwō 3:6 No Petero akīmwīra atīrī, “Niī ndīrī na mbeeca, no nīngūkūhe kīrīa ndī nakīo. Atīrīrī, thīinī wa rītwa rīa Jesū wa Nazareti wītware!”

Atūmwō 5:15,16 Ciīko irīa atūmwō meekaga nīciatūmaga o na andū makuue

arīa maarī arūaru, makamaiga njirainī makomeete marīriinī na mīgekainī, atī nī geetha amwe mahuutio nī kīruru kīa Petero akīhitūka. 16 O na andū aingī nīmookaga kuuma matūura moothe marīa maarī hakuhī na Jerusalemu, makareehe arīa arūaru na arīa maathīnagio nī ngoma na oothe makahonio.

Atūmwo 10:38 Nīmūū ūrīa Ngai aitīrīrie Jesū wa Nazareti Roho Mütheru o hamwe na hinya. Naake Jesū nīathiaga agīkaga maündū meega na akīhonagia oothe arīa maanyiitītwo nī ngoma nī gūkorwo Ngai aarī hamwe naake.

Atūmwo 19:11,12 Naake Ngai agīkīringa ciama itarī cionwo ahūthīrīte Paūlū, 12 ūguo atī itambaya na nguo iria aahūthagīra ciatwarīrwo arīa maarī arūaru, mīrimū īkamathengera na ngoma īkamoima.

ARoma 8:26 O ūndū ūmwe Roho naake nīatūteithagia wonjeinī witū, nī ūndū tūtiū ūrīa twagīrīrwo nīkūhooya Ngai. Roho we mwene nī we ūtūthaithanagīrīra, e na mūcaayo ūtangīgweteka.

1 AKorintho 12:9 Roho o ro ūcio aheaga mūndū ūmwe wītīkio, na ūrīa ūngī ūhoti wa kūhonania.

1 AKorintho 12:28 Na rīrī, Ngai nīaigīte thīnī wa kanitha mbere atūmwo, keerī anabii, gatatū arutani, na aringi ciama, ahonania, ateithania, aathani, na arīa maaragia na thiomi ng'eni.

AFilipi 2:27 Ti itherū aarī mūrūaru, o na aarī hakuhī gūkua. No Ngai nīamūiguīire tha, na to we wiki nī amu o na nīi mwene nīahonokirie kuuma kīehainī kīnene.

Jakubu 5:14 Nīkūrī mūndū thīnī wanyu mūrūaru? Nīete athuuri a kanitha mooke mamūhoere na mamūhake maguta rītwainī rīa Mwathani.

1 Petero 2:24 Kristū we mwene nīakuuiire meeitia maitū na mwīrī wake mūtharabainī, nī geetha tūkoragwo tūkuīte ūhoroinī wa meeitia tūgatigana namo, na tūtūrage muoyo tūrī athingu. Nī na ūndū wa ironda ciake mwahonirio.

3 Johana 1:2 Mūraata wakwa, nīndakūhoera atī maündū moothe makoragwo makwagīrīire, na ūkoragwo wī na ūgima wa mwīrī, amu nīnjūū atī roho waku nī mwega.